

N° 94

mainatges d'òc
PLUMALHON

mainatges d'òc **PLUMALHON**

L'hipopotame

Questions à
Émilie Le Pennec

Los Minons



(5,70 €)

ISSN 1264-6733



L'hipopotame

Los hipopotames vivon en Africa.

N'i a dos de diferents.

L'hipopotame nan viu dins la forèst d'Àfrica occidentala. Es a mand de desaparèisser. L'autre es

l'hipopotame comun, lo qu'es sus las nòstras fotografias.

Aquel hipopotame se tròba un pauc pertot en Africa quand i a d'aiga. Viu sus la riba dels fluvis, dels rius o dels lacs. Cal qu'aja d'aiga tot l'an e de pastencs pas tròp luènhes.

L'adulte pòt far de 1,3 m a 1,6 m. Pesa fins a tres tonas e de còps un pauc mai.

Coma passa plan temps dins l'aiga, l'an apelat « lo caval del flume ». Es la significacion del mot ipotame en grèc.



Es plan adaptat a l'aiga. I se sentís en securitat.

Los hipopotames vivon en escabòts que pòdon èsser d'un trentenat de bèstias.

L'hipopotame sap nadar e còrrer al fons de l'aiga. Pòt demorar jos l'aiga sièis minutas en apnèa, es a dire en quitant d'alènar.

Los hipopotames manjan sonque d'èrbas o de plantas que venon dins l'aiga.

Un hipopotame manja

fins a 60 kg d'èrba

cada jorn!



Pòt arribar qu'un leon s'ataque a un hipopotame jove. Un crocodil tanben. Los adultes an pas d'enemics, an pas de predators. Vivon vièlhs : un trentenat d'ans dins la natura e quaranta-cinc en captivitat.

La populacion d'hipopotames comuns es estimada ara a 157 000 individús. Caldriá pas que baissèsse.